

La doturia Grete Mahlknecht é demez dai 27 ai 30 de jügn y vëgn sostituida dal dotur Eduard Agreiter 333 13 80 852

La doturia Grete Mahlknecht sará spo demez döt le mëis d'agost; chë che la sostituësc gnará comuniché plü inant.

## SAN MARTIN

En dedemesaledema, ai 28 de jügn, da bur tēmp, la jöbia, vëgnel indô sié la cortina; chi che sciafia é bel peria da gní a daidé.

Dër bel dilan dles ofertes en memoria dl defunt Giovanni Unterweger fates da: Irene, Eduard y Carla Zingerle; fam. Assunta Pedevilla; Karl Unterweger; fam. Albert y Elisabetta Irsara; fam. Simon Tavella.

## LUNGIARÜ

N gran dilan dantadöt a pater Franz Senfter y a dötes les uniuns y les porsones che á contribuí da fá plü bela y solēna la prozesciun dl Cör de Gejú.

-----

Le Zënter sozial La Spona chir n/na operadú/dëssa sozioassistēnzial/a (Sozialbetreuer/in) o n/na operadú/dëssa soziosanitar/a (Pflegegehilfe/in) por le salf de laur protezioné. L'orar de laur foss dal lönesc al vëndres dales 7.30 ales 15.00, ince cun la poscibilitá a tēmp parzial. Telefonede a 0471 843 060 Manuela.

### *Döt le bun a chi che complësc i agn de messé*

#### **a San Martin**

Pire Vanzi che nen complësc 91 ai 3  
Giovanni Rubatscher che nen complësc 82 ai 7  
Lena Palfrader Trebo che nen complësc 86 ai 21  
Notburga Dapunt Clara che nen complësc 86 ai 21  
Oliva Pedevilla che nen complësc 92 ai 29  
Sepl Zingerle (Tor) che nen complësc 85 ai 30

#### **a Lungiarü**

sr. Sofia Clara che nen complësc 88 ai 3



unitepastorala.org

# Plata dles Ploanies San Martin y Lungiarü



ploan siur Klaus Sottas 344 15 54 055 - klsottas@rolmail.net  
curat siur Heinrich Perathoner 339 65 74 213  
redaziun: anton.gasser@rolmail.net - 348 27 44 517 / 0474 523 194

## 25.06. - 02.07.23 n. 31

ultimo termo por comunicaziuns: jöbia, dales 20.00

## 12<sup>a</sup> Domēnia ia por l'ann A

### Vangele do san Matí 10, 26-33


Ći ch'i ves diji tl scür, incundédele tl lominus dl dé, y ċi ch'an ves dij tla orëdla, scraiédele fora söi tēc. No se temede da chi che copa le corp, mo che n'é nia bugn de copè l'anima, temesse indere da chël che é bun de sciuré corp y anima tla perdiziun dl linfern. Ne vënon nia dui spoc por n pēr de zentejimi? Y impò n'un tómel degun ia por tera zēnza l'orenté de osc Pere. Pro os é ċinamai dūc i ċiavëis compedà sön osc cé. No se temede porchël! I valëis deplü co n gröm de spoc.

Chël che me reconësc dan dala jënt,  
chël reconesciarai ince iö dan da mi Pere tl cil.  
Chël che me desconësc indere dan dala jënt,  
chël desconesciarai ince iö dan da mi Pere tl cil.



*"Pro os é ċinamai dūc i ċiavëis compedà sön osc cé. No se temede porchël! I valëis deplü co n gröm de spoc." Chëstes parores dl vangele me dij tröp. De un n vers éres de consolaziun: Idî sá! Zēnza sūa orenté ne sozedel nia. Dl ater vers ne ascogneres nia le dūbe y la confujiun. Sce Idî sá, spo sál ince dl mal che sozed - y ciodí ne l'impedëscel pa nia? Él na resposta y n tru che nes condūj fora de chësc dilema? Chël ne n'él nia. Mo i podun cialfé lapró n pū' de calma: A Gejú ne ti jōra nia atramēnter. Cotantes de sūes parores nes indichēia trus che nes dēida te nūsc pinsiers, mo canch'i un da nen fá cun la realté, n'él nia plü tan saurí. Te momēnc ri y scürs, olach'al nes vëgn da dubité y i ne sintiun nia l'aiüt de Dî, podunse ma cialfé chësta calma: Ince Gejú ne savô nia da splighé le mal. Te so momēnt plü cròde s'ál sciuré ti brac de Chël Bel Dî y á dit: Pere, al sozedes tūa orenté.*

*Chësc dá n pū' de calma; iö oress ince ester bun da le fá, olach'i m'la vëighi sciöche Gejú tl Urt dl Ori. Se mēte ti brac de Dî, impede chirí na spligaziun. Dailó me dēides Chël Bel Dî, canch'al me vëgn ores scōres adincuntra. Image*

EDEMA - ANN "A"	SAN MARTIN	LUNGIARÜ	
<b>25.06.23</b> <b>12ª Domènia - Ann A</b>	<b>9.00 Corona por + Giovanni Unterweger</b> <b>9.30 Gran Mëssa por la comunité cun benedisciun dl tëmp</b> de rengraz. fam. Pepi y Romi Dejacó 3ª de sopolt. de + Giovanni Unterweger + Teresa Pedevilla Flöss dl ann + Maria Sorá Costalunga	<b>7.50 Corona por + Sepl Chiusura</b> <b>8.15 Liturgia dla Parora cun benedisciun dl tëmp</b> <b>15.00 Corona tla capela de S. Ojöp Fr.</b>	
26.06.23 <i>Vigile da Trënt</i> <b>Lönesc</b>			
27.06.23 <b>Dedolönesc</b> <i>Hemma da Gurk, Ziril</i>	<b>8.00 Mëssa</b> + Walter Pitscheider, Dala + Maria Pedevilla		
28.06.23 <b>Dedemesaledema</b> <i>Ireneus, Vinzenzia</i>		<b>7.30 Mëssa</b> de rengraziamënt por na familia + + Franz y Veronica Costa dl ann + Sabina Clara	
29.06.23 <b>Jöbia</b> <b>SAN PIRE Y SAN PAUL</b>			
30.06.23 <i>Martiri da Roma</i> <b>Vëndres</b>	<b>18.30 Adoraziun chîta</b> <b>19.00 Adoraziun deboriada</b>		
01.07.23 <b>Sabeda</b> <i>Sanch de Gejú, Ester</i>			
<b>02.07.23</b> <b>13ª Domènia - Ann A</b>	<b>9.00 Corona</b> <b>9.30 Gran Mëssa por la comunité cun benedisciun dl tëmp</b> vis y defunc families Costabiei + + Hannele y Nando Flöss + Maria Baldissera (dl ann) + Otto y Maria Erlacher a d'intenziun	<b>7.50 Corona</b> <b>8.15 Gran Mëssa por la Comunité cun benedisciun dl tëmp</b> fam. Giovanni Chiusura 2ª de sopoltöra + Josef Chiusura + Monica Daporta <b>15.00 Corona tla capela de S. Ojöp Fr.</b>	<p><i>"No se temede dala jënt.</i>  <i>No se temede da chi che copa le corp,</i>  <i>mo che n'è nia bugn de copè l'anima.</i>  <i>Chësc èl Gejú che me dij incö tl vangele."</i>  <i>Al ó me scinché chë fidënza y chë crëta</i>  <i>te Chël Bel Dî, de chëra che ince èl è impli.</i>  <i>Te chësta fede frëma èl Gejú che m'incorajëia.</i>  <i>Chël che me reconësc dan dala jënt,</i>  <i>chël reconesciarâi ince iö dan da mi Pere tl cil.</i>  <i>"Cherdédeme pö!" nes präiel,</i>  <i>"Tëgn da me, spo tëgni iö da te -</i>  <i>spo èl ince Idî che tëgn da te!"</i>  <i>Cun Gejú ái ince iö Chël Bel Dî da mia pert!</i>  <i>Gejú m'incorajëia, nia ma ala fede te Dî,</i>  <i>mo ince ala fede te me, da defëne mia posiziun</i>  <i>cuntra dotes le inimizies y insegurëzes,</i>  <i>deache Idî me sostëgn.</i>  <i>Ma coraje!</i>  <i>Coraje é ince na cossa danter cil y tera.</i>  <i>I pó confidé te Chël Bel Dî</i>  <i>- y me sintí porté sön ares,</i>  <i>präsc sciöche n agno.</i> <span style="float: right;"><i>Image</i></span></p>